

dergekart, dem ackerman sin schade gegulden und den fangen orer
 fengnisse leddich werden na irkentnisse der sulven stede. Mochten
 aver de stad edder stede dat also nicht erwerffen, so schullen de stad
 edder stede sodans den hovetlingen des dridden deils, dar de besche-
 diger wonhaftich is edder werd enthouden, witlick don: de sulven ho- 5
 vetlinge schullen bynnen virteynachten edder eer dar umme tosampne
 komen und, oft des nod werd, etlike stede in dem sulven dridden deile,
 de deme beschedigere belegen sin, bij sij to komende vorschreven und
 mit on vorhandelen, wu men den beschedigeden copmann pilgern edder
 ackerman to hulpe komen mogen. Mochten sij denne des mit frund- 10
 liken dedingen nicht bekommen, so schullen sij irkennen und under sijk
 sluten, wu men den beschediger dar to moge brengen, dat de besche-
 digede sines schaden entset und de gefangen der fengnisse qwid wer-
 den; und wes sij also sluten und irkennen, des schullen wij anderen
 stede in dem dridden deile volgaftich und horsam sin und uns malk- 15
 andern dar to helpen, dat eyn sodans vulbracht werde. Ok schullen
 alle de, de jennigen borger edder undersaten unser stede mit rofe
 brande edder fengnisse beschediget hedden und dem beschedigeden dar
 umme nicht fuldan hebben edder fuldon willen, in neyner hensestad
 geleidet sin noch enthouden werden, sunder wanner dij beschedigede 20
 des begerde den edder de uptoholdene, dem schullen und willen wij
 also don up ore recht und der stad, der des nod dot, truweliken dar
 ane bistan und to vorderinge ores rechten helpen. Weret ok dat wij
 hovetlinge des dridden deils mit itliken steden dar to forbodet erkan-
 den, dat nutlick und profitlick were den beschediger edder de dar he 25
 enthouden worde in sloten vesten edder gudere to krenckende, so
 schullen wij stede des dridden deils under eynander uns truweliken
 helpen, eyn ithlick mit eynem tale gewapende, ichtlick gewapent up
 drey perde gerekent, alse wij von Magdeborch twelff gewapend, Bruns-
 wick twelffe, Halle twelffe, Halbirstad sesse, Quedelingborch sesse, 30
 Asschersleve sesse, Hildesim achte, Gottinge achte, Embeke sesse,
 Honover viffe, Northeim twe, Hameln dry und Helmstede dry gewa-
 pend. Worde ok unser eyn edder mer stede in disser eyndracht we-
 sende von disses vorkundes wegen ader dar umme dat wij dem cop-
 mann pilgrime edder ackerman in vorgeschrevener wise trost und 35
 bistan gedan und wedder den beschediger rechtes behulpen hedden
 edder anders jennigerley wis wo dat schege mit gewalt von heren und
 forsten sunder schulde befeydet, de se befeydigeden bestallen edder
 overfallen wolden, so drade wij hovetlinge des dridden deils, dar ane
 dat schut edder de stede in gelegen weren, des gemanet worden, so 40
 schullen wij hovetlinge mit itliken steden des sulven dridden deils von
 stund sunder vortoch, so wij irst kunnen, to sampne kommen, rad
 nemen und irkennen, wo wij der befeydeden edder der bestalden stad
 edder steden to hulpe komen mogen; und wes wij also vor dat beste
 vortsetten und irkennen, des schullen de andere stede horsam und 45
 gevolgich wesen bij der pene und bute nabeschreven. Konden denne
 wij stede des dridden deils de hovetlinge des nehsten dridden deils bij